

Dia 8 di November 2012 Marcos Bislip Jr. ta cumpli 31 Aña den radio difusion

ORANJESTAD - Dia 8 di November 2012 e conocido locutor, DJ y presentado di programa na radio esta Sr. Marcos Bislip Jr. ta cumpli 31 Aña den radio difusion aki na Aruba tres decada y 1 Aña den radio.

Marcos Bislip Jr. a inicia su carera na radio Dia 8 di November 1981 na Radio Antilliana 1270 AM danki na Sra. Morgan Arrindell y en feliz memoria Sr. Tuyo Prins kendenan a pone un confiansa grandi den Sr. Marcos Bislip Jr.

Sra. Morgan Arrindell ta e persona cu a acerca Sr. Bislip Jr. mirando cu Sr. Bislip tin un talento y un amor grandi pa radio y pa tres luna largo Sr. Bislip a wordo prepara pa Sra. Morgan Arrindell. Awe Sr. Bislip Jr. ta gradici Dios na prome luga di a dun'e un talento special den radio y tambe na Sra. Morgan Arrindell y Sr. Tuyo Prins en feliz memoria a kere den su persona y na 1987 Marcos Bislip Jr. a sali e miho locutor hubenil di Aruba pa Aruba Toastmaster. Tabata Dia 8 di November 1981 pa 8'or di anochi cu Marcos Bislip Jr. ta haya e luz berde di su maestra Sra. Morgan Arrindell y en feliz memoria Sr. Tuyo Prins Director di Radio Antilliana 1270 AM cu e por habri e mic y bay den aire despues di un preparacion intenso di tres luna. Marcos Bislip Jr. durante tres luna mester a haci diferente test y

preparacion prome cu e la bay den aire oficialmente y awe cumpliendo 31 aña Marcos ta logra traha tres decada y un Aña na radio un logro grandi paso e no ta facil. Marcos Bislip Jr. a traha hunto cu Roberto Geerman na Radio Antilliana 1270 AM ambos a wordo prepara pa Sra. Morgan Arrindell. Despues cu Sr. Bislip Jr. a wordo premia como e miho locutor y DJ hubenil na 1987 Marcos a wordo busca pa Radio Carina 98.9 FM 1988 y na unda cu pa prome biaha Marcos ta bay for AM pa FM. Na 1989 Marcos ta bolbe Radio Antilliana den oranan di merdia haciendo furor te cu na 1990.

Na 1990 pa 1995 Marcos Bislip Jr. ta bay Canal 90 FM den oranan di marduga pa mainta y despues na 1995 pa 1999 Marcos a traha na Voz di Aruba 1320 AM. Na 1999 Marcos ta bay traha pa e radio cu e la yuda funda na 1988 pa 1989 esta Top 95.1 FM na unda Sr. Bislip a traha un Aña como hefe di departamento di Noticia y tambe como operador y locutor y DJ y tabata tin un programa anochi for di 8'or pa 10'or di anochi na 1999-2000. Marcos tin su propio radio ariba internet Aruba Internet Radio cu tabata on for di 2000 te cu 2008 y asina a sigui cu su carera den radio pero via internet. Na 2008 Dia 24 di Juni 2008 pa 8'or di anochi Marcos Bislip Jr. ta bay

den aire atrobe ariba FM cu ayudo di su amigo ruman Joe Hernandez kendenan a traha hunto na Radio Carina 98.9 FM. y danki na apoyo y ayudo di su famia. Marcos Bislip Jr. a bolbe radio ariba peticion di varios oyentenan cu a topa Sr. Bislip den un fastfood restaurant pa e bolbe atrobe y esey Marcos a haci tambe y awe ta den aire cu e programa Hit Express tur Diamars anochi for di 8'or pa 11:55 di anochi y Diahuebs anochi for di 8'or di anochi te cu 11:55 di anochi cu un programa romantico cu a crece bira grandi esta Romantic Paradise e paraíso romantico. Durante e programa special di Lucky Dube y tambe di e programa di Romantic Paradise y tambe di Marathon Oldies 99.9 Marcos Bislip Jr. a haya un apoyo masha grandi for di e pueblo. Marcos Bislip Jr. ta record holder den oranan di marduga den radio na Aruba y tambe ta record holder den oranan di anochi. Actualmente Marcos Bislip Jr. ta den aire tambe den oranan di merdia pa atardi na radio via GFM 99.9 Galactica pa cual Marcos Bislip Jr. ta haciendo un furor grandi cu e programa Prime Time dominando e sintonia nacional den oranan di merdia pa atardi y te cu awor no tin ningun programa cu por supera su programa y su estilo unico den radio.

Aruba Media Research Group



**Marcos na Radio Antilliana
1981-1989**

kende ta haci e investigacion pa cu e miho programa y esun mas scucha ta duna Prime Time, Marcos Bislip Jr. y GFM 99.9 Galactica como e mihonan den oranan di merdia pa atardi. Prime Time ta wordo presenta tur merdia pa atardi for di 2:20 pm pa 3:55 pm atraves di GFM 99.9 Galactica. Esaki ta un otro reto pa Marcos Bislip Jr. si Marcos logra esaki e ta bira e unico locutor, DJ y presentado di programa na radio na Aruba cu tres record ariba su nomber. Mientras cu Diahuebs Dia 8 di November 2012 pa 8'or di anochi Marcos lo logra un otro logro grandi esta yega na su 31 Aña den radio difusion na Aruba cual ta un trayectoria largo den radio.

En conexion cu e Celebracion di 31 Aña Diahuebs Dia 8 di



**Marcos na Radio Carina 98.9
fm 1988-1989**



Marcos na canal 90 1990-1995



Marcos na Galactica 2011

November 2012 Marcos Bislip Jr. lo presenta un programa special na unda Marcos Bislip Jr. lo presenta e cancionnan cu e la presenta durante su carera profesional den radio difusion for di 8'or te cu 11:55 di anochi durante cuater ora di programacion como aprecio y gradicimento na e pueblo di Aruba y na tur e oyentenan. □